



№ 12

წ აპრილი 1915 წ.

მიიღება ხელის მოწერა

წლიური ფასი

≡ 5 მან. ≡

უძველესი კვირეული საზოგადო-ეკონომ-

ცალკე ნომერი 10 კაპ.

მიური და სალიტერატურო შურონალი

რედაქცია ღიაა 9—3 საათამდე.

წელიწადი მართხე

მისამართი: თბილისი, გაბაევსკიი პერ. № 3 რედაქცია „კლდე“. დეპეშისა: თბილისი კლდე.

6255



გერმანელები სპილენძეულობას უაგროვებენ სამხედრო იარაღისთვის.



ს ა რ ჩ ე ბ ი:

1. სსხ. განათ. სამინისტროს ახალი კურსი და ჩვენი საჭიროებანი. — სანდრო შვილისა.
2. „ქართლი“ და „კახეთი“. — რ. გ — სი. 3. შერეუკავსი და ჩაგრულ ერების ბედი რუსეთში. 4. გიფოს გაზეთი. — ნაცარასი. 5. უზრუნველ ქართველის დღიურიდან. — გ ი ა ხ — ელისა. 6. გედი (ლექსი). — გ. გორგაძისა. 7. სხვა და სხვა ამბები.
8. საზოგადოებისადმი. — დ. კასრაძისა. 9. ძველზედ წასწერი ლექსი. — მელანისი.
10. შემოქმედებულთა სია.

სსხ. განათ. სამინისტ. ახალი კურსი და ჩვენი საჭიროებანი

(ის „კლდე“ შეცნო და შეათო ნომრები)

წარსულ წერილში ჩვენ შევჩერდით იმაზედ, რომ სწავლა-განათლების საქმეში იჩინა თავი ახალმა მიმართულებამ, გაისმის უკმაყოფილება მიღებულ წესის წინააღმდეგ და არის თითო-ორი ცდა ჩვენ ცხოვრებასთან უფრო შეფერვებულ და ჩვენთვის გამოსადეგ სასწავლებლის შექმნისა. ეს ცდა და სურვილები, ჩვენის აზრით, ჯერ კიდევ თავის პირველ ნაბიჯს არ გასცილებია, მათ თან არ ახლავს შეგნებული მოქმედება გარკვეულ ეროვნულ პოლიტიკაზე დამყარებული. მაგრამ ჩვენა გვწამს, რომ რამდენადაც წინ წავა ჩვენი ეროვნული შეგნება, იმდენად მეტი თანამაზრე ეყოლება ამ მიმართულებას და იგი შესძლებს შესცვალოს კლასიკური სწავლა-აღზრდის სისტემა უფრო ცხოველ-მოყოფელი სისტემით. დღეს კი იგი მხოლოდ ცხოვრების ამონაკვეთია და შედეგია არა გარკვეული შეგნებისა, არამედ იმ წინააღმდეგობისა, რომლითაც დაუპირდაპირდნენ ერთმანეთს ცხოვრება თავის მოთხოვნილებით, ჩვენი, თუ შეიძლება ასე ითქვას, დღევანდელი აუცილებლობა და საჭიროება ერთის მხრივ და გაბატონებული ტიპი სკოლისა, ჩვენთვის მეტად მავნე შედეგებით, მეორეს მხრივ. თუ ჩვენ ცხოვრებას თავის აზრად და შინაარსად დღეს ერის ინდივიდუალური სახის შენახვა, ერის კულტურულ-ეკონომიური ზრდა და განვითარება აქვს — მაშინ ყველასათვის ცხადი უნდა იყოს რა წინააღმდეგობას უწევს ამ დედა აზრს, რა დამზარალებელს და შემაფერხებელს მოვლენას შეადგენს სწავლა-აღზრდის მიღებული სისტემა, რომლის უკუერთი გავლენა და უარყოფითი სამსახური ეროვნულ ცხოვრებისათვის, ჩვენის აზრით, საკმაოდ აშკარად ვყავით წინა წერილებში. მამასადამე

ბრძოლა ეროვნულ ცხოვრების გაუმჯობესობისათვის მოითხოვს უპირველესად ეროვნულ სკოლისათვის ბრძოლას. ამისათვის სრულიად გაუგებარია ჩვენთვის ის სიხარული და აღტაცება, რომლითაც ხვდებო ჩვენი პრესა ისეთ მოვლენებს, როგორც არიან რომელიმე პროვინციალურ ქალაქის ან დაბის პროგიმნაზიის „სრულ უფლებიან გიმნაზიათ“ გარდაქმნა. ყოველივე ეჭვს გარეშე, რომ ძველი მავნე სისტემის — ახალი სასარგებლო სისტემით შეცვლა დიდს ძალას, ენერგიას და ბრძოლას მოითხოვს ჩვენგან. და მით მეტი ძალის და ენერგიის დახარჯვა მოგვიწევს, რამდენადაც მას ძლიერად აქვს გადგმული ფესვი ჩვენ ცხოვრებაში. კლასიკური გიმნაზიები ადვილად არ დაუთმობენ ადგილს პროფესიანულს და ტექნიკურს სასწავლებლებს, რომელთა მიზანი არა მოხელეთა კადრის, არამედ ჩვენს ეკონომიურს განთავისუფლებისათვის მკოდნე და საჭირო პირთა აღზრდა იქნება. ახალი საჭირო მიმართულება ვერ მიიღებს ისე ჩქარა სასურველს განხორციელებას, რადგან ძველს განსაკუთრებითი პატრონობა აქვს მოპოვებული, მას იცნობს ფართო საზოგადოებრივი მასა და, რაც უფრო მნიშვნელოვანია, ამ ძველს სისტემას თვითონ ქართველობაში ჰყავს არა მცირე რიცხოვანი ინტელიგენტ-მოხელე. სწე კლასი, რომელიც თავის მდგომარეობით არის დაინტერესებული ამგვარ სისტემის არსებობაში.

დროთა უკუღმა ტრიალის წყალობით ჩვენი განათლებული კლასთა საზოგადოებრივი განწყობილება ისეთია, რომ ეს კონსერვატიული შენახვა ძველისა თავის დამკვეთთა ვიწრო, პირდაპირ დაინტერესებულ ჯგუფის გარეშე და იზოვის მის დასაც

ველად ხმას ამოაღებინებს უფრო ფართო საზოგადოებას. არ გვინდა ვიწინასწარმეტყველოთ, მაგრამ ეს ასე მოხდება და ასედაც ხდება.

მაშ, რითი აიხსნება ასეთი მაგალითები? ყველას ეხსოვება ერთ ჩვენ უფრო გავრცელებულს გაზეთში დაბეჭდილი წერილი, რომელშიაც სწორედ იმ მოსაზრებით, რომ ადგილი თავიანთ კაცისათვის შეენახათ, ამართლებდნენ ყველასაგან დასაგმობს ნაკლს და ყოველად დიდმნიშვნელოვან საკითხზედ წარმოთქმული იყო ისეთი ველური პედაგოგიური აზრები რომელთაც ლუარსაბ თათქარიძის მარნის დერეფნის აქეთ ვასავალი არ უნდა ჰქონოდათ.

და, აი ტრაგიზმიც ჩვენი ცხოვრებისა სწორედ ის გახლავთ, რომ ისედაც კონსერვატიულმა სისტემამ აღზარდა ჩვენ ში ისეთი კლასი, რომელიც დღეს თავის არსებით და მდგომარეობით თანამგრძობი ვერ იქნება ეროვნულ მიმართულების და დანიშნულების სკოლისა ამის საუკეთესო დამამტკიცებელი ისიც არის, რომ მიუხედავად მასწავლებელთა მრავალ რიცხოვანებისა—ჩვენ ში არ არსებობს ქართველ მასწავლებელთა საზოგადება, თუმცა ამაზედ არა ერთხელ ჩამოვარდნილა ლაბარაკი. (რამდენათაც გვახსოვს პირველად „თემში“ იყო ამის შესახებ წერილი ამ ორი, სამი წლის წინეთ) არ არსებობს გარკვეული პედაგოგიური აზრი და ეროვნული პედაგოგიური მიმართულება.

თამამად შეგვიძლიან ვთქვათ, რომ ჩვენის ცხოვრების არც ერთი მხარე ისე არ განიცდის იმპერიალისტურ: *divile et impera*.—სრულს და მთლიანს გავლენას, როგორც სწავლა—აღზრდის საქმე. აქ არამც თუ განაწილებულია ერი, არამედ ის ნასწავლი კლასი, რომელიც საღი მესვეური უნდა იყოს ეროვნულ მიმართულებისა სწავლა-აღზრდის საქმეში სრულიად მოწინააღმდეგე ბანაკში სდგას დღეს.

აი, ასეთ მძიმე პირობებში უხდება შექმნა ახალს მიმართულებას და რასაკვირველია შესაფერ კვალს და გავლენასაც განიცდის იგი თავის განხორციელების ისტორიაში. თუ მხედველობაში არ გვექნება კომერციული, ვინაგრაღვის—ტენიკული და სხვა პროფესიონალურ ტენიკული სასწავლებლები, რომელიც სხვამ დაგვიარსა, ჩვენ დღემდის ვერ შევძელით შექმნა არც ერთი საშუალო სასწავლებლისა, რომელიც ჩვენს რეალურს სარგებლობას ემსახურებოდეს და ცხოველ-მყოფელი იყოს დიადი და ერთათ ერთ საღ აზრით—ასწავლიდეს და ზრდიდეს ადამიანს ცხოვრებისათვის. რამდენი ხანია

არსებობს ქართული ქალთა სასწავლებელი (გიმნაზიათ წოდებული) და არც ჩვენს გარეშე არც შიგ მყოფებმა არ ვიცით რა ტიპის არის, ან რა ტიპისა იქნება? შარშან წინ შემუშავებული პროგრამა არავითარ სახეს არ აძლევს, რადგან იგი განუხორციელებულია და პედაგოგიურ შეუძლებლობასაც წარმოადგენს. მთავარი თანამედროვე სასწავლებლის ნაკლი, ყველასაგან ცნობილი და თვით მინისტრისაგანაც აღიარებული არის რომ ბავშვი ებლაუჭება მასალას, რომლის დასაძლევად მას ძალა არ შესწევს.

ეს იმ სასწავლებლებში, რომელთაც ერთი განსაზღვრული მიმართულება აქვთ, ან ჰუმანიტარული, ან პროფესიონალური და სხვა. ჩვენ კი ქართველურად ვიგველუხვედ და ერთ, ქონება მოკლებულს სასწავლებელს, სამი თუ ოთხი სხვა და სხვა აზრი დაუსახეთ. სხვა მრავალ მაგალითთა შორის ესეც იმის დამამტკიცებელია, რომ ამ მიმართულებას არა ჰყავს გარკვეული შეხედულების და საჭირო მომზადების მქონე პირნი ჩვენში და მეტათ ძნელ პირობებში უხდება გზის გაკვლევა. მაგრამ, თუ ჩვენს ხალხს მომავალი უწერია—სწორედ ეს მიმართულება არის ცხოველ-მყოფელი და მომავალის მქონე. ისე, როგორც იცვლება ასე წლის ნაწარმოები „დამყოლი“ პოლიტიკა, გამათახსირებელი ჩვენის ცხოვრებისა— ისე უნდა შეიცვალოს კლასიკური სწავლა აღზრდის სისტემა, შემღვევი დიდი ენერჯისა და წყურვილისა და სამაგიეროთ მშობი ერისთავის არამც თუ პასიურ და უსარგებლო, არამედ მანვე ელემენტისა. ნაცვლად, ერი უნდა დაადგას ისეთ სწავლა-აღზრდის სისტემას რომელიც აღუზრდის საჭირო ცოდნით აღკურვილ პირთ, რომ არა მოხელეობას, გადაგვარებას შეაღიონ მათ თავისი ძალა და ენერჯია, არამედ ერის სიმდიდრის დამუშავებას; მთელის თავისი არსებით დაინტერესდნენ ერთთ და თავი გამოიდონ მისთვის. უნდა შეიქმნენ პროფესიონალურ ტენიკურ სასწავლებლები, რომელნიც მსცემენ მუშაკთ ჩვენ ეკონომიურს ცხოვრებას და ეკონომიურის განთავისუფლებით ერს კულტურულად ამაღლებენ, პოლიტიკურათაც უკეთეს ყოფას მოუპოვებენ.

თუ, არსებობს ჩვენში რაიმე ეროვნული შეგნება და მოძრაობა მან გარკვეული შეხედულობა და განსაზღვრული პოლიტიკაც უნდა აწარმოვოს სწავლა აღზრდის საქმეში. ჩვენ არ გვემის ის მიმართულება, რომელიც დღემდის ეროვნულ დრო-

შას ებლაუქება ჩვენში, სხვა და სხვა დაწესებულებებს თავის მონოპოლიით სთვლის იმ მოსაზრებით, რომ იგი ეროვნული იდეის მატარებელი და ეროვნული ინტერესების დამცველია და ამავ დროს არამც თუ ხმა არ ამოუღია ამ ანორმალურ მოვლენის წინააღმდეგ, არამედ რაღაცა თანაგრძობითაც ეკიდება მას და დიდათ შეჰხარის პროვინციის კლასიკურ პროგიმნაზიებით და გიმნაზიებით გამდიდრებას. თუ რუსეთში ცნობილია მინისტრმა ტოლსტოიმ კლასიკურ აღზრდას განსაზღვრული რეაქციონური აზრი მისცა ჩვენში ისინი პირდაპირ გარუსების, ეროვნულ მოძრაობის ჩუნელბებელ იარაღათ იყვნენ ნახმარნი. დღეს რუსეთიც კი უქცევს მათ პირს და მით უმეტეს ჩვენს მოვალენი ვართ დავგმოთ დიდი ხნის დასავლობი და სკოლა დაუქვემდებაროთ ჩვენის ცხოვრების მოთხოვნილებას, ეროვნულ დემოკრატიულ მიმართულებას.

წინა წერილში ნათქვამი გვეკონდა, რომ არც ისეთი საწყლები და უიარაღონი ვართ, რომ არაფრის გაკეთება შეგვეძლოს ამ მხრივ. ჩვენი ბიუჯეტი - სასწავლო ფულის და საზოგადოებრივ სუბსიდიის სახით სრულს უფლებას და საშუალებას გვაძლევს დავადგვა ასეთ გზას და შევქმნათ ისეთი სასწავლებლები, სადაც ბატონ—პატრონობაც მეტი გვექნება დარომელნიც ჩვენთვის უფრო სასარგებლო იქნებიან.

ეს არის ჩვენი მორიგი საკითხი, უახლოვესი საქიროება, საქიროება, რომლისათვის აუცილებელია: გარკვეული შეგნების განმტკიცება, მაშასადამე ფართო საზოგადოებრივი პროპაგანდა და ყოველნაირი ცდა, რათა ჩვენი დაწესებულებათა დახმარებ სწორედ ამ საქიროების განსახორციელებლად იყოს მოხმარებული.

სანდრო შვილი.

„ქართლი“ და „კახეთი“

II *)

ამხანაგობა „ქართლის“ დანიშნულება ქართლის მეხილეთათვის იმგვარივეა, როგორც საზოგადოება „კახეთისა“ კახელ მევენახეთათვის, ე. ი.

*) იხ. „კვლევი“ № 11.

ერთმაც და მეორემაც უნდა შეაერთოს და შეაჯგუფოს საერთო წარმოება გასაღებისათვის ჯერ ვიწრო ჯგუფი ვაწრო რაიონისა და თანდათან ზრდით მიღწიოს იმ მდგომარეობას რომ მთელი კახეთის და ქართლის რაიონები მოაქციოს თავიანთ ფარგლებში ასეთი დიდი, საყურადღებო და მომგებიანი საქმის გასაჩარხავად, რასაკვირველია არა კმარა ერთი-ორი კაცის თავგანწირული მუშაობა, არამედ აუცილებლად საქიროა სოლიდარული მოქმედება ამხანაგობაში შესულ ყოველი წევრისა. საუბედუროდ ჩვენში ნაკლებად აქვთ წარმოდგენა რომ კოოპერატიულ საქმეს დიდი მომავალიცა აქვს და იგი თითქმის ერთად-ერთი საშუალებაა ბრძოლისა იმ ჩარჩულ წესებთან, რომელნიც აქამდის ჰყველფავენ სოფელს და მის ნაწარმოებს გროშის ფასად იღებენ ხელში, რომ მომხმარებელზედ შემდეგ გაასაღონ მამასისხლად. ამგვარად ზარალშია მწარმოებელიც და მომხმარებელიც, მაგრამ გათვალისწინება ამ მოვლენისა და მისი ბრჭყალებიდან დაღწევა ერთნაირად ადვილი არ არის. იმ აზრის განხორციელების დროს, რომ მწარმოებელმა თვითონ მიაწოდოს თავისი ნაშრომი მომხმარებელს, თვითონაც სრული ფასი აიღოს და მომხმარებელსაც შეუმსუბუქოს ზედმეტი ხარჯი, — ჩვენ გველოდება წინ მრავალი დაბრკოლება, რომელთა დაძლევა ნხოლოდ მაშინა ხდება ადვილი, თუ ამხანაგობისა თუ საზოგადოების წევრნი ნათლად შეიგნებენ კოოპერაციის უდიდეს მნიშვნელობას. ჩარჩი ათას ხერხსა ხმარობს. რასაკვირველია, რომ მწარმოებელი ხელში ჩაიგდოს. ჯერ მოუსხმელ ბაღში, მარტსა, აპრილსა თუ მაისშივე აძლევს ბეს — მთელი შემოსავალი ჩემი იყოსო და ამგვარად, გაქირებულს პატრონს ბაღისა თუ ვენახისას ახარბებს ფულით. ბევრჯელ სამასი-ოთასი თუმნის შემოსავლიან ბაღს იბევენს ათი-ოცი თუმნით და მთელი შემოსავალი მიაქვს ორმოც-ორმოც და ათ თუმნად. ჩარჩი კისრულობს დაკრეფასაც, ბაღის მოვლასაც კი, ოღონდ სრული შემოსავალი გაინაღდოს, არ დასტოვოს არც ნაქარევი, არც ქიანი, არც დასეტყვილი და კარგს ხომ მარცვალსაც არავის დაანებებს ასეთი წყები შეაცდენენ ხოლმე ერთის მხრით გაქირებულს მემამულეს, ნამეტნავად პატარას, და მეორე მხრით ზარმაცს — საუბედუროდ ეს მართალი არის; ოღონდ კი ერთბაშად თავიდან მოიშოროს თავისი მოსავალი და დაქმნილებით გროშები ჩაილაგოს, და თუნდა მესამედსაც დასჯერდება.

მაგრამ, როგორც ვიცით, თანდათან ცხოვრება

რთულდება, ძვირდება, ჩვენი თავად-აზნაურობა გაღარიბდა და გლეხობა ხომ მუდამ ასეთი იყო და გაქირვება კი ყოველთვის უკეთესი მასწავლებელია და მართლაც საიმედო ნიშნები უჩანს ჩვენს ცხოვრებას: შრომის შეყვარება, **შრომ ს გაპატიონება**. ჩვენ არ გვინდა გრძელი ექსკურსია გავაკეთოთ ფსიხოლოგიურ ანალიზში, მაგრამ მოკლედ უნდა აღინიშნოს რომ ჩვენი საზოგადოებრივი ატმოსფერო აქამდის უსაქმურობაზედ იყო დანდობილი; რამე საქმე, ვაქრობა, მეურნეობის ინტენსიურად წარმოება და სხ. და სხ. რაც ცხოვრებას აძლევს სიძლიერეს და მკაფიო სახეს—ყველაფერი ეს აბუჩად აგდებული იყო და სასირცხვილოდაც ითვლებოდა. ამის მიზეზად აუცილებლად ის უნდა ჩაითვალოს, რომ მთელი ჩვენი ინტელიგენცია და ეგრედ წოდებული საზოგადოება თავად აზნაურობისაგან არის შემდგარი. იმ თავად-აზნაურობისაგან, რომელსაც ისტორიულად მარტოოდენ გამგებლობა და ბატონობა ჰქონდა ხელთა და ხმალი იყო მისი ერთადერთი იარაღი. ბატონურ ფსიხოლოგიის შეცვლა რამდენიმე წლის განმავლობაში შეუძლებელია და პირიქით საკვირველიც არის თუ ასე მოკლე ხანში, როდესაც გაქირვება დაგვადგა—როგორ მალე ეკიდება თავად აზნაურობიდან გამოსული ინტელიგენცია საქმიანობას.

ამის საბუთი მარტო თეორეტიული მოსაზრება კი არ არის, არამედ ის აურაცხელი სანიმუშო ბალები, ვენახები, საკრედიტო თუ მომხმარებელი საზოგადოებანი, სამეურნეო თუ სხვა რამ დარგის დაწყებანი არიან.

დაუბრუნდეთ „ქართლს“. ეს ამხანაგობაც სწორედ მაჩვენებელია იმისა თუ როგორ გაიზარდა ერთის მხრით საქმიანობა ჩვენში და მეორეს მხრით შეგნება. მთელი ქართლი მოფენილია ახლა ხილის ბალებით და იქაური ხილი, განსაკუთრებით კარგი თვისებისა, აკმაყოფილებს არა მარტო აქაურ ბაზარს, არამედ ბაქოს, როსტოვის, ოდესის და სხვა-სა. არა ერთი შემთხვევა ყოფილა, რომ აქაური ხილი იყიდებოდეს მოსკოვსა და პეტერბურღში, ყირიმის და თურქესტანის ხილის სახელით. ჩვენ ვიცით, რომ არსებობენ პატარა-პატარა კერძო ამხანაგობანიც, კერძო პირებიც, რომელნიც განსაკუთრებით რუსეთში ისტუმრებენ ხილს. მაგრამ აქამდის ერთი მწყობრი ორგანიზაცია, რომელიც შეაერთებდა უდიდეს ნაწილს და ნამდვილს საწარმოვო-გამსაღებელ კოოპერატივს შექმნიდა—არ ყოფილა. ჩვენის ღრმა რწმენით, ამხანაგობა „ქარ-

თლი“, რომელსაც უკვე საძირკველი აქვს ჩადგმული, შესძლებს ამ დიდი იდეის განხორციელებას, თუ დროზედ განიკურნა იმ არა სასურველ და უცნაურ წესებისაგან, რომელნიც თან დაჰყენებდა დაბადებასთან ერთად. ეს უცნაური წესები, რაღა თქმა უნდა იმით იყვნენ გამოწვეულნი, რომ სათავეში მდგომნიც და ადგილობრივი წევრნიც—ყველა თავისკენ იწვევდა განსაკუთრებით და სოლიდარულ მოქმედებას ნიადაგი ეცლებოდა. ესე, როგორც ვიცით, კოლექტივალურა მუშაობა სწარმოებს, ძველი ნაკლები ცოტად თუ ბევრად გამოსწორებულია და საქმეს კარგი პირი უჩანს, თუ ხელმძღვანელი შესძლებენ წევრების კონსოლიდაციას. ამ ძვირფას საქმეში ყველაზედ უძნელესი საკითხი სწორეთ ეს არის და ამას უნდა მიექცეს ყურადღება, თორემ სხვა ყველაფერი მეჭად სადა და უბრალოა, მაზედ თავის ტეხა ბევრი არ იქნება საჭირო.

როგორ უნდა მოხერხდეს ეს კონსოლიდაცია? რაღა თქმა უნდა, რომ თავი და თავი—მაგალითთა: თვით გამგეობის წევრნი და გამგენი უნდა მაგალითს აჩვენებდნენ წევრებს მუყაითობისა და შრომის მოყვარეობისას, ამხანაგობის წესებისადმი პატივისცემისას. გამგეობა უნდა მუდამ ბრუნავდეს წევრების ინტერესებისათვის; პრესის, პროპაგანდის თუ პირადი შეხვედრის რა საშუალებით უნდა არაწმუნებდეს და აჩვენებდეს კოოპერაციის სარგებლობას, მისი მომავლის სიდიდეს. საზოგადოება „კახეთის“ მაგალითზე უნდა ვისწავლოთ, რომ აუცილებლად საჭიროა მკიდრო ურთიერთობა წევრებსა და გამგეობის შორის, რომ უკანასკნელი არ გადაიქცეს ბიუროკრატიულ დწესებულებად, საცა მხოლოდ რეგისტრაციას ახდენენ საქმისას და ნაკლებად უწევენ ანგარიშს თვით საქმის გაუმჯობესებასა თუ გაფართოებას.

წევრებთან დაახლოება—აი ის უაღრესი ნიადაგი, რომელზედაც აღმოცენდება სასიკეთო საქმე. ამ მხარეს უნდა მოვლა და გაპოხიერება, თუ გესურს საქმის განვითარება და გაფურჩქვნა ყოველი წევრი უნდა გრძნობდეს, რომ ის ისეთივე ამხანაგია, როგორც სხვა, ისეთივე პატრონი საქმისა, როგორც დანარჩენები და გამგეობის წევრნიც მხოლოდ მათი ამხანაგები არიან საქმის მწარმოებელნი და არა ბატონები.

ყოველმა წევრმა უნდა მკაფიოდ შეითვისოს ის აზრი, რომ საერთო მალაზია მაგ., საერთო საქმის მოწყობა - მისი საკუთარი საქმეა, მის საკუთრებას შეადგენს და არა ისე, უყურებდეს,

როგორც უცხო დაწესებულებას, რომელთანაც მიაქვს თავისი ნაწარმოები მისაყიდად. ეს უკანასკნელი ფსიხოლოგიური განწყობილება ჰბადებს მუდამ უკმაყოფილებას, რადგან წვერს მაშინ უნდა მეტის გამოჩენა სხვ საგან, მაშინ როდესაც საკუთარ საქმეში ის უნდა ცდილობდეს მეტი მოგების ამოღებას საკუთარი შრომის და საქმის გაუმჯობესებისაგან. ამხანაგობა მას უნდა ისე ჰქონდეს წარმოდგენილი, როგორც თავისი საკუთარი შვილი, რომელიც იმდენად მეტს სარგებლობასა და სიამოვნებას მისცემს, რამდენადაც მეტი სიყვარულსა და აღზრდას შესწირავს. მაგრამ, ყველა ამისათვის საშუალებანი უნდა გამოიხატოს ხოლმე გამგებობა, როგორც ამორჩეულებმა და საგანგებოდ ამ საქმეზედ მიჩენილებმა და რასაკვირველია წვერებმაც არ უნდა მიაგდონ ჩვეულებრივად უცვლად გამგებობას და თვითონ მარტო თავისი გაინაღდონ. ჩვენი ყოველი საზოგადოება და საქმე სწორედ იმისაგან იზარება, რომ ყველაფერს გამგებობის მიაგდებენ და შემდეგ დახმარების ხელს ან რჩევასაც აღარაფერს მიაწვდის ხოლმე.

ჩვენ უდიდეს ყურადღებას იმითომ ვაქცევთ ამ მეორე მხარეს ამხანაგობისას და არა ვაქრულს, რომ პირველია დედა აზრიც და მიხანიც და თუ ეს მოხერხდა—მაშინ ვაქრული მხარის კარგად და-

ყენება სულ უბრალო საქმეა. ხილი „ქართლის“, როგორც პირველ საქირობის საგანი, ისევე როგორც ლენინო „კახეთისა“ თავისთავად გაიკვლევს გზასა, რადგან წინ წაუძღვება თავისივე ღირსება.

მომავალში, თუ ამხანაგობამ იხერია და წვერები გულმოდგინეთ მოეცადებიან ამ საქმეს, აუცილებლად საჭირო გახდება ან თვით ამ ამხანაგობის გაფართოება იმ ზომამდე, რომ სოფლის ყველა ნაწარმოებმა იპოვოს იქ ადგილი და ბაზარი, ან შექმნას პარალელურად სხვა და სხვა ამხანაგობათა სოფლის სხვა ნაწარმოებთა გასასაღებლად. ქსელი ასეთი კოოპერატიული ამხანაგობებისა მკიდროდ უნდა მოეფინოს მთელ ჩვენს სამშობლოს, რომ ბრძოლა არსებობისათვის გაგვიადვილდეს და ჩვენის ორგანიზაციით დავარღვიოთ ის მტრის მედგარი იერიშები, რომელნიც დღეს-დღეისობით უნაყოფოთ არ ეხეთქებიან ჩვენს ზღუდეებს და გვაცლიან პოზიციებს.

ჩვენის აზრით, ახლო მომავალში პრაქტიკულად შესაძლებელი გახდება გაერთიანება ჯერჯერობით „კახეთისა“ და „ქართლისა“, რადგან მეტად ბევრი. საერთო მხარე აქვთ როგორც ადგილობრივ მწარმოებელთა პირობებში, ისე მით უმეტეს ნაწარმოების გასაღებაში.

რ. გ.



მერეკოუსკი და ჩაგრულ ერების ბედი რუსეთში

ამჟამად მხოლოდ რუსეთზე მინდა ვიფიქრო, მხოლოდ რუსეთზე და სხვა არაფერზე, სხვა არავისზე. რუსეთში მყოფთა ერების და არსებულ ენების საკითხი თვით რუსეთის არსებობის საკითხია. მინდა ყველა ამ ერებსა და ენებს ვკითხო: როგორა გსურთ; გინდათ რუსეთთან იყოთ, თუ რუსეთის გარეშე? თუ გარეშე ყოფნა გინდათ, რაღა მოგვმართათ რუსებს შველისათვის? თუ გარეშე ყოფნა არ გინდათ, მაშ დავიფიქროთ ამ საშინელ წუთს თქვენი თავი, მხოლოდ რუსეთზე იფიქრეთ, თორემ არ იქნება რუსეთი და არც თქვენ იქნებით; რუსეთის გადაჩენა, თქვენი გადაჩენაა, რუსეთის დაღუპვა თქვენი დაღუპვაა. მინდა ვსთქვა, რომ არ არსებობს არც ებრაელების საკითხი, არც პოლონელების, არც სომხების, არც ქართველების, არც რუსინების

და არც სხვებისა, რომ არის მხოლოდ რუსების საკითხი. მინდა ეს ვსთქვა, მაგრამ არ შეიძლება. რუსი საზოგადოების ტრაველიაც აი სწორეთ ამაში მდგომარეობს, რომ არ შეუძლიან ეხლა ესა სთქვას.

რუსს საზოგადოების იდეალიზმი ერთა საკითხებში უძლიურია და ამიტომაც პასუხის ვაცემა ვერ შეუძლიან.

ეს ებრაელების საკითხში უფრო მკაფიოდ გამოსკვივის.

რა უნდათ ჩვენგან ებრაელებს? ზნეობრივი აღშფოთება? ის რომ ვცნათ ანტისემიტისმის საზიზღრობა? მაგრამ ეს რა ხანია არის კიდევ; ეს აღშფოთება ისეთი ძლიერია და უბრალო, რომ მასზე მშვიდი და გონიერული ლაპარაკი შეუძლებელი

ხდება. მხოლოდ ის ლა დაგვრჩომია, რომ ებრაელებთან ერთად ვიყვიროთ, გვიშველეთო და აკი კიდევცა ვყვიროთ.

მაგრამ მხოლოდ ყვირილი ძალიან ცოტაა. ჩვენ ეს შვევიგნეთ და ამიტომაც ვიქანცებით, ძალა გველევა. ძალიან სამძიმოა, ტკივილებსა და სირცხვილს იწვევს. მაგრამ მიუხედავად ამ ტკივილებისა და სირცხვილისა, ჩვენ მაინც ვყვიროთ, გავიძახით, ვფიცულობთ ვარწმუნებთ ადამიანებს, რომ მელთაჲ არ იციან, რომ ორჯერ ორი ოთხია, ებრაელები ისეთივე ადამიანები არიან, როგორც ჩვენ, რომ ებრაელები მტრები, მოღალატეები არ არიან, რომ ებრაელები რუსეთის ალალი მოქალაქენი არიან, რომ ებრაელებს რუსეთი ჩვენზე ნაკლებ არ უყვართ, რომ ანტისემიტიზმი რუსეთის სახეზე გამათახსირებელი ლაქაა.

ამ ყვირილთან ერთად არ შემიძლიან რომ ერთი დამშვიდებული აზრიც არ გამოვთქვა: „იუდოფობობა“ და „იუდოფილობა“ ერთი ერთმანეთზეა გადაბმული.

სხვა ეროვნების ბრმა უარყოფა სხვა ეროვნების ბრმა დამტკიცებასაც იწვევს, ერთი მოწინააღმდეგის აბსოლუტურ „არას“ მუდამ მოპირდაპირის აბსოლუტური „პო“ მოსდევს.

რას ნიშნავს სიტყვა „იუდოფილი“ რუსეთში მაინც? ეს ნიშნავს იმ ადამიანს, რომელიც ებრაელების განსაკუთრებულ მოყვარეთ ითვლება, რომელიც ებრაელებში უფრო მეტს სიმართლესა ჰხედავს, ვიდრე სხვა ერებში. ასეთ იუდოფილებად ვეჩვენებით ჩვენს ნაციონალისტებს, ქეშმარიტ რუსს ადამიანებს, ჩვენ რუსი ადამიანები, არაქეშმარიტები.

რა სულ ებრაელებისათვის ზრუნავთ? - გვეუბნებიან ნაციონალისტები.

აბა, როგორ არ ვიზრუნოთ ან ებრაელებზე, ან პოლონელებზე, სომხებზე, ქართველებზე, რუსინებზე და სხვებზე? როცა ჩვენს თვალწინ ვისმეს შეურაცხყოფას აყენებენ, ადამიანობა მოითხოვს გვერდი არ ავუქციოთ, უნდა ვუშველოთ ან მაინც გვიშველეთო, ვიყვიროთ იმასთან ერთად ვისაც შეურაცხყოფას აყენებენ. აი ამას ვაკეთებთ და ვაი ჩვენ, თუ ასე არ მოვიქცევით მხოლოდ იმიტომ რომ ქეშმარიტი რუსები გავხდეთ, ადამიანები აღარ ვიქნებით.

ჩვენს გარშემო ეროვნულ საკითხების მთელი უღრანი ტყე აღიპართა და რუსეთის ცა ჩვენს თვალს მოაფარა. რუსეთში არსებულის ყველა ენების ხმამ რუსული ენა დაფარა. ეს ასეც უნდა მო-

ხდარიყო. თუმცა არც ჩვენ გვაცრია კარგი, მაგრამ ისინი მაინც ჩვენზე უარეს დღეში არიან. თუმცა ჩვენც ნაკლებ არა გეტკივა, მაგრამ იმათ მაინც ჩვენზე უფრო ძალიან სტკივთ. მათი გულისათვის ჩვენ ჩვენი თავი უნდა დავივიწყოთ.

ამიტომაც არის, რომ ნაციონალისტებს ვეუბნებით:

— დღეკით, ნუ ავიწროებთ სხვა ერებს, თუ გინდათ რომ უფლება გვეკონდეს ჩვენს თავს რუსები ვუწოდოთ, თუ გინდათ რომ შევძლოთ ჩვენი ეროვნული ადამიანური სახის გამოჩენა და არა მხეცურისა.

ავიღოთ მაგალითად გინდ აი ეს ებრაელების საკითხი.

ამ საკითხს არამც თუ ეროვნული, სარწმუნოებრივი მხარეცა აქვს. იუდიანობა და ქრისტიანობა ორი პოლიუსია, რომელთა შორის როგორც ღრმა მიმზიდველობის ძალა არსებობს ისე ღრმა ჩამომარებელი ძალა. ქრისტიანობა იუდიანობიდან გამოვიდა, ახალი აღთქმა ძველი აღთქმიდან. მოციქული პავლე ყველაზე მეტად ებრძოდა ებრაელებს, მაგრამ მზად იყო თვით ქრისტესაც ჩამოშორებოდა, თუკი ეს სარგებლობას მოუტანდა მის ძმებს, ე. ი. ებრაელობას.

მიმზიდველობაზე შეიძლება ვილაპარაკოთ უკუგდებაზე კი არა. აბა როგორ შეიძლება ვეკამათოთ იმას, ვისაც ხმის ამოღების ნება არა აქვს? ებრაელების უუფლებობას ქრისტიანების დუმილი უპირისპირდება, ებრაელების გარეშე ძალ დატანებას— ჩვენი შინაგანი ძალდატანება.


— რა მიზეზით აეშალა ტკივილები ებრაელებს ს საკითხს სწორეთ ამ ომის დროსა? იმ მიზეზით, რა მიზეზითაც აეშალა ტკივილები ყველა ეროვნულ საკითხს,

ამ ომს გამანათვისუფლებელის სახელი ვუწოდეთ. ეს ომი ჩვენ შორეულების გასანათვისუფლებლად დავიწყეთ. შორეულები გვიყვარს. რათ გვეჯავრება მახლობლები? რუსეთის გარეთ გვიყვარს, რუსეთის შიგნით კი გვეჯავრება. ყველა გვეცოდება, ებრაელებს კი შეუბრალებლად ვეპყრობით.

თუ ასე მოვიქცევით კიდევ, აღარ დავიჯავრებენ, ასე გვეტყვიან ერები:

— თქვენ მხოლოდ შორიდან შეგიძლიანთ სიყვარული. თქვენ სტყუით.

ჩვენ ხომ იმედს ჩვენს სამართლიანობის ძალაზე ვამყარებდით. ჩვენ გვინდოდა ძალა ჩვენი სამართლიანობით დავგემარცხებინა თუ კიდევ ეს სურვი-



ინგლისის ჯარის წარმომადგენელი უმაღლეს მთავარ-სარდლის შტაბში.

ლი გვაქვს, მაშ ნულარ ვიცრუებთ, ნულარ დავა-სუსტებთ სიცრუით ჩვენ სამართლიანობას, ჩვენ გამარჯვების მომტანს ძალას.

გერმანელები გაიძახიან: მსოფლიოს დასაპყრობათ ვომობთ, მსოფლიოზე უფლობისათვის ვომობთო, და სწორედ ისე იქცევიან რასაც ამბობენ. ჩვენ თუ ვიძახით, მშვიდობიანობისადვის ვომობთო, მსოფლიოს განთავისუფლებისათვის ვომობთო, უნდა ვასრულებდეთ კიდევ.

რუსულ ენაზე მსოფლიო და მშვიდობიანობა ერთნაირად გამოითქმის. მხოლოდ განსხვავება იმაშია, რომ მსოფლიო (миръ) წერტილიანი „ინით“ (и) იწერება და მშვიდობიანობა (миръ) კი უბრალო „ინით“ (и). გერმანელები „ინს“ წერტილს უსვამენ. ნუ თუ განსხვავება მარტო იმაში უნდა იყოს რომ ჩვენ სიტყვა მშვიდობიანობა უწერტილო „ინით“ გამოვთქვათ ხოლმე. ჩვენ მარტო სიტყვით კი არ უნდა განვსხვავდებოდეთ მტრისაგან, არამედ გულითაც. ისე უნდა მოვიქცეთ, რომ ერებმა გაიგონ რის გულისათვისაც ვომობთ, მსოფლიოზე უფლობისათვის, თუ მსოფლიოს განთავისუფლებისათვის, მაშ მოდით ეს ებრაელებიდან დავიწყეთ.

მაგრამ დეე, შევიწროებული ერებიც ნუ დავიწყებენ, რომ თავისუფლებას მარტო თავისუფალ რუსის ხალხის წყალობით მოიპოვებენ.

დეე ებრაელებში ნუ დავიწყებენ, ხომ ებრაელების საკათხი რუსის საკათხიც არის.



გიგოს გაზეთი

თბილისში ორშაბათ დილა ისე არ გათენდება, რომ ახალი ქორი არ გამოცხვეს რამე და ეს ქორი, უეჭველად უნდა „თემის“ რედაქციაში იზილებოდეს. გუნდებს თვით ბნი გრიგოლი ამოიღებს ხოლმე და „თემის“ ფურცლებს ცხელ ცხელი ლავაშებით აბნევს ქვეყანაზედა.

ვინ არის პატრონი.

რას დაგიდევს „თემი“, თუ მისი ცხელ ცხელი ამბავი ყოველთვის ქორია, ოღონდ კი ყველას დაასწროს, ყველაზედ ადრე მან ამცნოს ქვეყანას ვისიმე სიკვდილი ან ნათლობა, ყველაზედ ადრე გამოიტიროს სახელოვანი თუ უცნობი მწერალი, ყველაზედ ადრე აუგოს ანდერძი ან აღმოაჩინოს „კიდევ ერთი გენიოსი,“ და სხვა და სხვა.

ასე ერთ დილას იჯდა ბ-ნი გრიგოლი და რალაცას ყური მოჰკრა, არც აცია, არც აცხელა და გამოაცხო: „მისიდან თბილისში გამოვა ახალი ქართული ყოველდღიური გაზეთი. მონაწილეობას იღებენ: მიხ. მაჩაბელი, პართ. გოთუა, კონსტ. თუმანიშვილი და ახალგაზრდა მწერალნი „კლდის“ მიმართულებისა.“

რამდენჯერ გვითხვნია „თემისათვის“ თავი დაგვანებოს მაგრამ მაინც წავა-წამოვა და გადაი-ჩებ_ბა ჩვენ „კლდსზედ“.

უხრუნველ ქართვე- ლის დღიურიდან (კვირიდან კვირამდე)

ნაცარი.

P. S. ახალი ამბავი. როგორც გავიგეთ ახლო მომავალში თბილისში გამოდის ახალი რუსული გაზეთი. გამომცემელად იქნება ცნობილი ალექსანდრე ჯაბადარი, თანამშრომლად არა ნაკლებ ცნობილი სარქის კაკაბაძე, ჟილბლაზად — ცნობილი ალექსანდრე ყანჩაველი, ახალ ამბების მცხოვრებელად — ცნობილი გიგო დიასამიძე. როგორც ხედავთ შეყრილა თბილი, მაგრამ... კომპანია. რედაქტორად ასახელებენ ცნობილ დუბროვსკის, რომელიც უეჭველია მოჰყოლია მათში... по недоразумѣнiю.

ნ — ა.




საფრანგეთის ჯარის წარმომადგენლები უმაღლეს მთავარ-სარდლის შტაბში.

ლით ჩვენ ვხედავთ, თუნდა ქუთაისის ქართულ გიმნაზიის ცხოვრებიდანაც: იქაურ ერთ მეშვიდე კლასის მოწაფეთაგანს იმდენად პროგრესიულად განუფითარებია... გრძობა-აზროვნების სიფაქიზე თუ თუ არა, მუშტი მაინც, რომ აღარ დაუნდვია თვისივე სათნაინი, ყველასაგან პატივცემული, აღმზრდელი — მასწავლებელიც კი... და ამით საისტორიოთ უკვდავ უყვია თავისი თავი. ამიტომაც, რა გასაკვირველია, თუ აღნიშნული ჰეროსტატე — მოწაფე მიუწვევია, დიდი სასყიდლის გაღებით, პეტოფგრადის ზოოლოგიურ ბაღს...

ზოოლოგიურ ბაღების ტიპებს რომ, ღვთის წინაშე, საკმაოდ იძლევა ჩვენი უბადრუკი ცხოვრება, ამაში დარწმუნდება ყველა ის, ვინც კი დააკვირვებია, სხვათაშორის, ჩვენებურ კლუბებში მოსიარულეთ: მხედველობაში რომ არ მიიღოთ მუშტი-კრივი, რამაც უკვე მოქალაქობრივი უფლება მიიღო ზოგიერთ ამ „კულტურულ დაწესებულებებში“, — თქვენ იქ მრავლად შეხვდებით ისეთს, საპატიო ხანში შესულ მანდილოსანთ, რომელთაც, თუ რამ ოჯახში ნივთი ჰქონია დასაგირავებელი, მზრუნველობით ჩაუბარებია ლომბარდისათვის და, ღამის ორ საათამდე, დაჟინებით ჩაკირკიტებს ციფრებიან ქაღალდს და ამაოდ, სულისსიმწარით, ელის, ხუთი ლობითს ერთ რიგზე განწყვირვებით, მოიპოვოს ცათა სასუფეველი თუ არა, ამ ქვეყნიურად სახარჯავი გროშები მაინც.

გროშების „ბრავლად“ შექმნის სურვილი ჰქონიათ აგრედვე კახეთის რკინის გზის მესვეურთაც, რომელთაც აღნიშნული გზა გაუყვანიათ: იოლად სახელდახელოთ, ქართველურის უზრუნველობით: რელსები დაუწყვიათ, ზოგან ფხვიერ ადგილზე და ზოგან ჰაერშიაც კი ჰკიდიათ. — ეტყობა იმ მოსახრებით უხელმძღვანელებიათ, რომ უფიქრიათ: მოგზაურები, ერთხელაც არის. ქებურიასი არ იყოს, თანამედროვე ტენიკის განვითარებასთან ერთად, ფრენას ისწავლიან და მგზავრობის დროს, სადაც ადგილ-ადგილ გზა გაფუჭებული და სახიფათო იქნება, — იქ გადაფრინდებიან... რაც შეეხება საქონელ-ბარგის გადაზიდვას, ვინაიდან მათი ფრენა ძნელი მოსალოდნელია და ამასთანავე დიდ „ხლაფორთსაც“ მოითხოვს, — დაუწესებიათ იმათ გადასატან ხარჯთ, ბევრით იმაზედ ზედმეტი ფასი, რასაც აქამდე ჩვენებური მეურნეები ახდევინებდნენ. ამას გარდა, იმ გზის მოძრაობის უფროსს ბ. პ. მაქავარიანს, მეტის

და რომ ჩვენი ცხოვრება მართლაც ჯეროვანის პროგრესით წინ მიიწევს, ამის უტყუარ მაგა-



ინგლისელთა ჯაგუნოსნები დარდანელის სრუტესთან.

ხვეწნა მუდარით, ხმა და თვით ცხოვრების ინტერესიც კი დაჰკარგვია, მაგრამ მაინც ვერაფერს გამზდარა და ვერ დაუნუნინებია საჭირო რიცხვი გზაზე მოსამსახურეთა; ამიტომაც ამ გზაზე, ერთი საღვურრიდან რომ გადის მატარებელი, თან მიჰყვება საღვურის უფროსი, ტელეგრაფის მოხელე, „კანტორჩიკი“, მისრე და სხ. მეორე საღვურზე დასახვედრად და უმალ გასაცილებლად. ერთი სიტყვით ამ გზაზე ნამდვილი „ნაციონალური კომერცია“ გაჰმეფებულა.

ყველა ამისდა მიუხედავად, მაინც გულს ნუ გაიტებს მკითხველო: თუმცა ჩვენ საზოგადოებრივ ცხოვრებას ჯეროვანი სიცხოველე აკლია, მაგრამ,

გაღლილვის თქმისა არ იყოს: „მაინც ბრუნავს“, — მაინც აშკარადა სჩანს, რომ ჩვენმა ხალხმაც საღვურის ძილს თავი დაახწია და ქვეყანასა და ცხოვრებას თამამად უძახის: „მეცერთ კაცად უნდა მიწამოლო“... ნათქვამის საილი ესტრაციოთ, მე აქ უმალ მინდა გავიხსენო ჩვენი მეფე-მგოსნის—აკაკის გარდაცვალება, რომელმაც თვისი სიკვდილითაც, ახალი სიკოცხლე შვა!.. მე მინდა, აგრედვე, გავიხსენო სიტყვის ჯადოსან ივ. გომართელის მუსიკალური სიტყვა-სიმღერა... მე მინდა ამ გახსენებით ერთხელ კიდევ დავსტკბე და... მაგრამ ჩუ! მგონი რედაქტორიც მოდის... მაშ ნახვამდის, მკითხველო!..


გ—ი ახ—ელი.

გ ე ლ ი

მახსოვს, ტბის პირად ვოცნებობდით დღის დასასრულსა, — ერთ-ერთს სიამით ვუამბობდით წარსულის ზღაპარს.. ჩვენ წინ მინდორზე ყვავილები გადაშლილიყო და ლერწმის რტოებს ცელოქი სიო ევლებოდა გარს... კრცელ ოკეანეთ გადაშლილი ცის დასავალი ვით სხივთ კოკონი აღისფერად იღებებოდა, ლურჯს ნისლის ზოლი მოხვეოდა თოვლიან მწვერვალს, საღამო იყო, არეს მწუხრი ეფინებოდა.. ოჰ, ვით სიკოცხლით და ვითარის იღუმალეებით იყო აღსავსე იმ საღამოს ირგვლივ ყოველი.. თითქო ბუნების მინაზებულ სახეში კრთოდა ვით უკვდავება ციურ მადლთა უხვად მთოველი!.. უტბად საღვურ შორს ტბის სიღრმეში ამღერდა გელი. ამღერდა გელი და გაისმა მწუხარე ხმები.. — იქნებ სიკოცხლეს სამუდამოთ ესაღმებოდა, —

იქნებ სიკვდილმა შეახო მას მსახვრალი ფრთები!,,
 ნელი შრიალით აქვითინდენ ლერწმის რტოები, —
 ზვი-თნი შეირხნენ და ატოკდა ტბა მივერცხილი.,
 ახ! ვის შემზურდა ნორჩი გედის ლალი სიკოცხლე,
 ნეტა ვინ ჩასცა სასიკვდილო მკერდში მახვილი?..
 ჩუმი, წყნარი და სევდიანი იყო საღამო..
 ლამის ბურუსში ინთქმებოდა შორი ტყე ველი,,
 ვარსკვლავთა ხომლი ციმციმებდენ ცის კამარაზე. —
 იყო სიჩუმე და ღუმილი დაურღვეველი!

ვ. გორგაძე.



სხვა და სხვა ამბები

(უზრნალ-გაზეთებიდან)

★ **უიაფერერის დაზიანება.** გერმანიის წყალ-
 ქვეშა ნავთა ძლიერ დაზიანა ინგლისელთა უზარმაზარი
 გემი „უიაფერერი“, რომელსაც 9,500 ნოტა წყალქვეშა
 აქვს. გემი ბუქსირებით, როგორც იყო კვანსტოუნში, მი-
 იუვანეს.

★ **გერმანელები ავსტრიაში.** შვეიცარიის გა-
 ზეთების სიტყვით გერმანელებმა დიდძალი ჯარი გადა-
 იუვანეს ავსტრო-უნგრეთში. ცხადია, სასხედრო მოქმე-
 დების ცენტრი მალე კანატიკა გახდება.

★ **რუმინია და გერმანია.** როგორც ირვეუვა,
 თურმე რუმინიას დიდძალი ზური გაუტანია რესეითდან
 გერმანიისთვის. რუმინიის სახელმწიფოს თანხამ ამ ვაჭ-
 რომის გამო 242 მილ. ფრანკით იმატა.

★ **დარდანელს ამაგრებენ.** მას შემდეგ, რაც
 მოკავშირეებმა იერში მიიტანეს დარდანელის სრუტის
 გასარდევად, უველანი დარწმუნდნენ, რომ სრუტის ზღვით
 ადგება უოვლად შეუძლებელია თუ დესანტი არ მოახდინეს
 და სხეულებით არ დაეხმარნენ. ეს ოსმალებმა შეიგნეს
 და წინასწარ ემზადებიან კიდევ. სასისისა და დისლანე-
 ლის შუა მათ მრავალი სიმაგრეები აუგიათ, რომ დესანტს
 ხელი შეუშალონ.

★ **„მეჯიდიეს დაღუპვა“.** აღესაზე თავდას-
 ხმის დროს დაიდგა ოსმალთა კრეისერი „მეჯიდიე“.
 უკანასკნელ ხანებში ბევრს ლაზარაკობდნენ ოსმალების
 სიღატაკეზე, შიმშილობაზე, ხოლო გემების შესახებ
 უველანი დარწმუნებულნი იუვნენ, რომ დაზიანებული არა-
 ან, მას თან ქვა-ნახშირი არა აქვთ, ან და თუ აქვთ,
 ისიც მეტად დაბალი ხარისხისა, რაც მაღჭნებს აფუტუბ-
 სო. მაგრამ... სინამდვილეში სხვა აღმოჩინა: ოსმალთა

გემები თამამად დაესხნენ ქალაქს და ქვა-ნახშირიც და-
 დუხულ „მეჯიდიეზე“ ძვირფას ანტრაციტიდან შესდგე-
 ბოდა... (ბ. ვ.)

საზოგადოებისადმი

ამ ახლო წარსულში ქართ. კულტ. მოუკ. საზოგა-
 დოებამ დამავალა აკაკის ვრცელი ბიოგრაფიის შედგენა.
 კარგა ხნის მოფიქრების შემდეგ ვიცისრე ეს მძიმე საქ-
 მე სისრულეში მოვიყვანო, მაგრამ ერთის შირობით კი:
 თუ თვით საზოგადოებამ შემიწყოებს ხელს. მოკესხენე-
 ბათ, თუ ჩვენი ინტელიგენციის ზრდისა, განვითარები-
 ს თუ ჩვენი სოციალურ ცხოვრების ისტორიის მეცნარე-
 ტე საუკ. რა მძიმე ნაბიჯით მიდის შესწავლის მხრით.
 დღესაც, როდესაც ამდენი უზრნალ-გაზეთობა გვაქვს და
 ინტელიგენტი ძალები მრავლად შეგვეძინენ, ჩვენ მხო-
 ლოდ მომზადების ხანაში ვართ და ვეღოთ ძლიერ ში-
 როვნების გამოხენს, რომელიც შესძლებს ამ გარდამავალ
 ხანის შესწავლას, გცხრიდვას და მეცნიერების ახალი
 მეთოდით გაშუქებას. თქმა არ უნდა, აკაკის ბიოგრაფიაც
 და მის თხზულებათა სწორი გარჩევაც მაშინ მოხდება.
 მანამდე კი ჩვენ შეგვიძლიან მასალების კლასიფიკაციის
 მოახდინოთ. ეს კი არც ისე ადვილია. აკაკის ბიოგრა-
 ფია, მის თხზულებათა ქრონოლოგიურად გარჩევა ეს
 მთელი მეცნარე ტე საუკ. მეორე ნახევრის ადწერილობა
 იქნება, ვინაიდან აკაკი და ხსენებული ხანა ერთ-ერთის
 კვალიანტები არაან. უველა ეს მოთხოვნს დიდ დროს
 და მეტად ფრთხილ მუშაობას. ამიტომ შევმართავ უვე-
 ლას, დამეხმარონ ამ მძიმე საქმეში. აკაკის თანამედრო-

ვეთა უოველი რჩევა, მიწერ-მოწერა, საბუთები დიდის მადლობით იქნება მიღებული და შემდეგ დანაშრდი გადაეცემა ქართ. ეთნოგრ. საზოგადოებას, ან და იქ, სადაც ავტორნი მიმითითებენ. უოველგვარა მასდა გა- მოიგზავნება „ქლდის“ რედაქციაში ჩემს სსხელზე, გაბა- ანთ შესახვევი, № 3.

ზატვიისცემით დავით კასრაძე.

P. S. უმარხალესად ვთხოვ ქართულ ჟურნალ-გა- სეთობას და „სოვ. ზაკ“-ის ეს წერაღი უცვლელად გა- დაბეჭდონ.

დ. კ.

ძეგლზედ წასა- წერი „ლექსი“

(ზატარა ამავეი)

I

ამ რამდენიმე კვირის წინად შემთხვევით მო- მხდა ერთ ოჯახში გადა ვალიერება ძველის ძველი ქალაღდებისა. ვიშედოვნებდი მეპოვნა მათ შორის რაიმე შესანიშნავი სიგელ გუჯრები. იმედი არ გა- მიცრუვდა. მართალია, სიგელ-გუჭრები ვერ აღმო- ვაჩინე, — შეიძლება ვინმე სხვამ ჩემზედ წინ ამო- კრიბა ისტორიისათვის გამოსადეგი და საჭირო სი- გელ-გუჯრები, რაც უეჭველად უნდა ყოფილიყო ამ ძველადე განთქმული და შესანიშნავი ოჯახის ნაშთ ქალაღდებში — მაგრამ რაც მე აღმოვაჩინე ამ ქალაღდებში იმას თვისი მნიშვნელობით ვერა სი- გელ გუჯრები ვერ შეედრება. და თუ არ ჩაუვარ- დათ ხეღში წინანდელ მკვლევართ ჩემგნით აღმოჩე- ნილი იშვიათი საბუთი, უნდა ვიფიქროთ, რომ იგი მათი ჩხრეკის დროს არ ერივა ქალაღდებში, რადგანაც შემდეგი დროის ნაწარმოები და ნაშთია.

ქეშმარიტად დიდი დანაკლისი იქნებოდა სამ- შობლო ისტორიისათვის, თუ ბედნიერი შემთხვე- ვით არ აღმოვაჩენდი ამ გარეგნობით პაწაწა, ხო- ლო შინაარსით დიდ მნიშვნელოვან ქალაღდს და გამოუმხვევებელი დარჩებოდა იგი.

აი ეს ისტორიული ნაშთი:

„სანამ ვიყავ, მდევი ვხოცე, დრო ვატარე: რაც მებადა, სულ გავყიდე და შევქაპე. მოკვედი და ჯავრი თან წამყვა, რომ სასაფლაოს გაყიდვაც ვერ მოვასწარ“...

და შემდეგ ამისა გაგრძელება:

„ჩემო მემკვიდრეო, დიდი და სადავიდარაბო ანდერძით მე თქვენ თავს არ შეგაწყენთ. მოკლეა ჩემი ანდერძი და ჩტკიცედ უნდა შესარულოთ იგი. ჩემს ძეგლს, რომლის დადგმასაც ჩემს საფლაო- ზედ მე თქვენ ვალადა გდებთ „ეს ლექსი“ წაწე- რეთ უცვლელად და უნაკულოდ; და მის ქვეშ აღნიშნეთ ჩემი ვინაობა და წელნი, თვენი და რიცხენი ჩემი დაბადებისა და გარდაცვალებისა“.

აი ეს არის მთელი შინაარსი ჩემგნით ნაპოვნი ქალაღდისა.

განსვენებული ანდერძის დამწერი, როგორც პირველ სტრიქონებიდგან ეტყობულობთ, ცდიდა მთელი წარწერა ლექსად გამოეყვანა და „ლექსა- დაც“ უწოდებს ანდერძში თვის ნაწარმოებს. მო- ლექსოების ნიჭი კი ეტყობა, როგორც ამაში ყველა დარწმუნდება. მაგრამ შეიძლება სწორედ მაშინ მოუახლოვდნენ სიკვდილის წუთნი, როცა დაიწყო „ლექსის“ წერა და ვერ მოასწრო მეორე ნახევარიც „ლექსისა“ შეემუშავებინა და დაემთა- რებინა პოეტურად. ალბად შეეშინდა, რომ ის, რაც პროზად უნდა დაეწერა, არ დარჩომოდა და- უწერავი.

არ ვიცი ვინ როგორ შეხედავს ჩემს მოსახრე- ბას; ხოლო ჩემი შეურყეველი მოსახრებით კი ძეგლზედ წასაწერის შემთხვევლს ეტყობა უეჭველი ზედ გავლენა შემდეგი თქმულებისა სახალხო გმირ- ზედ:

„სანამ ვიყავ, მდევი ვხოცე, ჩემზედ მტერი არ ვახარე; ჯავრი ჩამყვა ბაყ-ბაყ მდევის, — ვწუხარ, ვერსად მოვახელე“.

არამც თუ უსაფუძვლოა ასეთი ჩემი დასკვნა. მართალია განსვენებული საუკეთესო კერძო სასწავ- ლებელში იყო პირველად ნასწავლი; კარგად მომ- ზადებულოც შევიდა გემნაზიაში და მყოთხე კლა- სამდის მიადწია კიდეც, მაგრამ იგი სრულიად არ ეუანებოდა არც წიგნების და არც გაზეთების კით- ხვას, როგორც გემნაზიაში ყოფნის დროს, ისე გემნაზიიდგან გამოსვლის შემდეგ — ეგ სულ მოკლილი უსაქმური ადამიანის ხელობა არისო. ძრიელ ხშირადაც გამოსთქვამდა ხოლმე წუხილს მაზედ, რომ შვიდი- რვა წელიწადი მოსცდა და ტყუილ-უბრალოდ და კარგა ამოდენა დრო სწავლაში ხოლო როცა მო- კლილი იყო, ე. ი. როცა არა ქეივობდა ან მო- სასვენებლად ემზადებოდა, მისი ერთგული ნინია შეაქცევდა მის ზღაპრებით, მომეტებულ ნაწილად

კი იმ სახალხო გამორხედ, ვინც სიკვდილის შემდეგაც კი ემუქრებოდა ბაყ-ბაყ მდევს. როცა მოზღაპრე იწყობდა: „სანამ ვიყავ, მღვეი ვხოცე“ და სხვა. განსვენებული, უკვე თვლენაში წასული, უცბად გააბრიალებდა გამირულს 'იძლიერით და სისატიკით ანთებულ ზვალებს. ვაჟკაცურად გაიქნევედა მარჯვენა მუშტს და წამოიწახებდა „გუ“...-ს

II

ნათქვამია — გარდაცვალებულზედ ან ნურაფერს იტყვი, ან თუ იტყვი, კარგის მეტს ცუდს ნუ იტყვიო. მეც ვასრულებ ამ თქმულებას და მინდა განვუზიარო სხვებსაც მხოლოდ ის, რაც რომ კარგო ვიცი განსვენებულის შესახებ. ეს კი არის, რომ თუნდაც გულს მოდგინედ დავარკვიოთ მთელი სიცოცხლე განსვენებულისა, ნარკვევში არაფერი მოპყვება ისეთი, რაც ჩირქსა სცხებდეს მისს სახელს. თორემ სხვა მრავალი მისი ნაცნობთაგანნიც დამემოწმებიან ამაში. რა დიდი ხნის მიცვალებული იგი არის—გუშინ არ იყო, რომ ისევ ჩვენ შორის ტრიალებდა!

განსვენებულის სახელისა და გვარის აღნიშვნა, როცა იგი ამ ქვეყნად აღარ არსებობს და თვითონაც არ დასახელა ანდერძში თვისი ვინაობა, მეტად მიმაჩნია. არსებობენ მისი მოქმედებანი და შედეგნი ამ მოქმედებისანი, რაც უფრო ძვირფასია ჩვენთვის და რაც იქნებიან კიდევ მარადის ცოცხალნი და სამშობლო ისტორიას შესძენენ არა ერთსა და ორს ძვირფას ფურცლებს.

კიდევ კარგი, რომ დროზედ შეიგნო განსვენებულმა თვისი მოვალეობა და არ მოუხდა უფრო მეტი დროს ტყუილ-უბრალოდ დაკარგვა.

„არა, ჩემი ამოდენა მამულ-დედული აქ უპატრონოდ და მოუვლელად ეგდო, მე კი იქ მამდგომოდნენ და მაზებირებდნენ; თუ რა ხალხი ცხოვრობს ამერიკაში, ინდოეთში, აფრიკაში; რომელ ხემწიფეს წვისთან, რა დროს და რაზედ მოუვიდა ჩხუბი და შფოთი და სხვა ამისთანები. რა სულელი უნდა ვყოფილიყავი, რომ ამავებდ მეტეხნა თავი. თუ ჩემთვის სიკეთე უნდოდათ, გამაგებინებდნენ ის უკეთურები, თუ რამდენი მქონდა ან—მთა, ან ბარი—ან ტყე, ან მინდორი; როგორ მომეწლო მამულისათვის, როგორ მომეხმარებინა ყმა და მანული, ან როგორ გავმკლავებოდი მომიჯნავეებს და მოძმეებს—აი ეს რომ ესწავლებინათ, ბაშუსტა, მადლობელიც ვიქნებოდი და აღარც იმოდენა დრო დამეკარგებოდა უსარგებლოდ. ერ-

თიც ვნახათ თვითონ მე ჩემთავად არ გამოემჩინა უნარი და გამკრიახობა ასე წესიერად რომ მოგავარე ყოველი მერი“ — ხშირად იმეორებდა ხოლმე განსვენებული ამ სიტყვებს სიკვდილის წუთამდე.

განსვენებულმა—რაკი მობრუნდა შინ სასწავლებლიდამ—თვისი მოქმედება ნაყმევებიდამ დაიწყო. მართალია ბატონ — ყმობა კანონიერად მოსპობილი იყო და იყენენ მხოლოდ დროებით ვაჭრებულნი გლეხნი, მაგრამ შემკვიდრებოთი თვისე ბანი მებატონისა შეუდარებელი სახით იყენენ განსვენებულში განვითარებულნი. ამისთვის მისი მოპყრობა და მოკიდებულება ნაყმევებთან ბევრად აფრთხილავს განირჩეოდა კანონიერ ბატონყმობის დროდგან. დარბევა — დაწოკება განსვენებულის ნაყმევებისა ნადელის ფულების აკრფაში ახლაც ისევე იყო მსვლელობაში, როგორც ბატონ-ყმობის დროს რაბთ უყვარდა ისე თავისი „ნინია მოურავი“, თუ არა ერთგულობისა და თავ გამოდებისათვის ნადლეების აკრების დროს. განა სხვა ვინმე ნინიას გარდა მოიგონებდა ასეთ უებარ საშუალებას: „ხვალ შუადღემდის ყველამ უნდა ჩამაბაროთ ნადლეების ფული უკლებლივო — გამოუტყადა ნინიამ ნაყმევებს, შესრულდა ვადა. არავინ სჩანდა. მაშინ ნინიამ დაიწყო რბევა თვით უღარიბესი ნაყმევიდგან, შევიდა ნაყმევის ქონში! ბევრი ეძება ეპოვნა რაიმე ნივთი. მაგრამ ვერაფერი იპოვნა გარდა პატარა ყურბანის ქვებისა, რომელიც საკიდელზედ იყო ჩამოკიდებული და იხარშებოდა შიგ ლობიო ნარევი ზორბალი — ამას უნდა გაეწივნა პურის მაგიერობა შიმშილისაგან ნამტირალევ ნაყმევის ბავშვებისათვის. ნინიამ ბევრი აღარ იცოჸმან, ჩამაიღო საკიდლიდამ ქვაბი, მოაქცია პირქვე მინახედ ზორბალი, ქვები კი გადასცა მხლებლებს დუქანში დასაგირავებლად წაეღოთ. მოპყვა აქედგან და ყველა ნაყმევის სახლიდგან, ვინც ფული არ ჩააბარა, რაც რამ კი ხელ ჩასაკიდი იპოვნა, — ან სპილენძეულობა, ან ქვეშაგები, ან ტანისამოსი სულ სოფლის დუქანში მოაქცია და დაუგირავა ნედლუქეს. ნინიას ამნაირმა მოხერხებამ თავზარი დასცათ ნაყმევებს. თითქმის გველის ზვრელში გაძვრნენ ყველანი, რომ საჩქაროდ ემოვნათ ნადელის ფულებიცა და გირავნობის გამოსასყიდო. ეს უკანასკნელი ნინიას გასამრჯელს შეადგენდა.

როცა განსვენებულმა მიიღო მთლიანად და უნაკლულად ნადელის ფულები, ნიშნად მადლობისა და ქებისა შუბლზედ აკოცა ნინიას. ეს იყო და ეს, ნაყმევებმა შეიტყეს, რომ ნინიასთან ხუმ-

რობა არ გამოდგებოდა. მათ მტკიცეთ შეიგნეს თავისი მოვალეობა და ნანიასაც ძრიელ იშვიათად უზღებოდა მიემართნა გამოცდილ საშუალებისათვის— ისიც მაშინ, როცა უკიდურ გარემოებაში ჩავარდებოდა რომელიმე ნაყმევი.

III

ფულებით ჯიბე გატენილი და დიდი ამაღლის თანხლებით ყელმოღერებული გაუდგა განსვენებული სამაზრო ქალაქის გზას. მხოლოდ, ცოტა არ იყოს, გულმა ფანქვლი დაუწყო, როცა მიუახლოვდა ქალაქს. არც გასაკვირველი იყო მისი გულის აფანქვლები, რადგანაც პირველად ემზადებოდა სამოქმედო ასპარეზზე განოსვლას და სიფრთხილე საჭირო იყო.

„თუ პირველადვე არ ვისახელებ თავი—გამოუტყდა განსვენებული თავის ერთგულ ნინიას—და წავიბოროდიკე, მთელ სიცოცხლეში შერცხვენილი და თავმოჭრილი დავრჩებიო“.

სხვა უიმისო როდი იფიქრებდა თავისი ღირსების დაცვაზედ. მოუსახრებლად და აჩქარებით შეუდგებოდა საქმეს და შესაძლებელი იყო სასტიკად დამარცხებულიყო პირველსავე გამოგზავნაზედ სამოქმედო ასპარეზზედ. ბოროტიკის ასაცილებლად წინადაც შეუდგა განსვენებული თავდარიგს. ჯერ არც კი ჩაეყო ჯიბეში ხელი ფულების ამოსაღებად, რომ მთელი წლის შემოსავალი მინდვრებისა და ვენახებისა მიჰყიდა ერთ-ერთ მოვაჭრეთაგან, რომელნიც ხელს უმართავდნენ ამისთანა „გაჭირებულ ხალხს“. როცა ეს ფულებიც მიუმატა უკვე ჯიბეში მყოფ ნაღვლების ფულს, მხოლოდ მაშინ შეუდგა მოქმედებას.

მეზურნე გვედოს თვისი დასით სიზრმადაც არ ენახა ის, რაც განსვენებულმა ცხადად აჩვენა როცა გვედოს მიაკრავდა შუბლზედ ოცდა ხუთ-ხუთიან მანეთიანებს, დანარჩენ მის ამხანაგებსაც არა სტოვებდა უყურადღებოდ — მათ შუბლებსაც დაამშვენებდა ხოლმე წითელ-წითელი ქალაღვებით და თანაც დაატანდა: „რასაცა გასცემ შენია, რაც არა დაკარგულიო, უთქვამს ჩვენს ძვირფას პოეტსაო“. არა ვიცი ს'ვა რამეც ჰქონდა შესწავლილი „ძვირფასი პოეტის“ ნაწარმოებიდგან, თუ მარტო ეს სიტყვები გაეგონა შემთხვევით სადმე.

ასე გამარჯვებით დაეშინა და დასდგა განსვენებულმა პირველი ნაბიჯი სამოქმედო ასპარეზზედ.

ეს იყო და ეს. განსვენებულს არ დაუყრია

არასოდეს ფარ-ხმალი; არ დაუტოვებია იგი ასპარეზი თვით სიკვდილის დღემდე. მისი ჯიბე ყოველთვის ღია იყო და როგორც გულუხვად ჩაღიოდა შიგ ფულები, ისე დაუზოგველადვე ამოდიოდა იქიდგან.

განსვენებულს უფრო უადვილდებოდა დაუზოგველად ამოღება ფულებისა ჯიბიდგან, ვიდრე გულუხვად ჩაწყობა მათი ჯიბეში; ცოტა არ იყოს უძნელდებოდა ეს: რადგანაც ნაღვლის ფულების აკრება და მომავალი მოსავლის გაყიდვა ერთხელ მეტად არ შეიძლებოდა წელიწადში. ეს გარემოება ხანდისხან ძლიერ შეაფიქრიანებდა ხოლმე განსვენებულს. მაგრამ განგებამ შეიბრალა იგი, თუ სხვა რამ შემთხვევის ბრალი იყო, მრავალი მუშტარი მოაწყდა მას აუარებელ მამულ-დედულსა. „როგორც თავფლს ფუტკარი, ისე დამეგვია მამულის მუშტარიო“ — იკვებოდა ხოლმე განსვენებული თავის სწორ-ამხანაგებში.

თუ როგორ ფასებში ან როგორის წარმოებით ჰყიდა განსვენებული — ამას შეეიტყობთ მისი საუბრიდგან ერთ გლეხთან — მისსავე ნაყმეთან.

— ბატონო, ეგ როგორ გეყავი, რომ მთელი ჩვენი გასადევარი და მინდორი, რომლითაც სულს ვიბრუნებდით და ვცხოვრობდით მამა-პაპიდგან, ახლა სხვას მიჰყიდე და გაუბოძე.

— რაცა სჭამეთ აქამდის ის კი არ გეყოთ, რომ შემდეგშიაც არ მექმევიანა თქვენთვის!

— რა ვჭამეთ, ბატონო, მუქთად ხომ არ გვიხმარია, ფასს ღალას გაძღვედით ყველაფერში.

— სად თქვენგან მოცემული და მწვადივით შექმული ღალა და სად ერთიანად აღებული მამულის ფასი!

— ჩვენ კი არ გაძღვედით ერთიან ფასს? ბარემ ჩვენთვის მოგეყიდნა, თუ გაყიდვა იყო!

— რა ფასს მაძღვედით მერე თქვენ? რასაც თქვენ დღიღრში მაძღვედით, ოთხი იმდენი სხვამ მომცა და დასაბმელი გიყო არ ვიქნებოდი მაშინ, რომ მე ამაზედ უარი მეთქვა და თქვენთვის მომეყიდნა ნაკლებ ფასში!

— ჩვენ სხვა ვართ და სხვა სხვაა. ჩვენ შენი ნაყმევი და მეზობლები ვართ და შენ კი ვიღაც გადმოცვენილ ურჩიასა და უტრიას გადუყარე ის ძვირფასი შენი მამული და ჩვენი საკუთვნო მინდორ-გასადევარი.

— ჩემი მეზობელიცა და მოკეთეც ის არის, ვინც მე მომეტებული ფული მომცა და მასარგებლა.

5 586 / 2
1915

— აბა მაშ ჩვენ რაღა უნდა ვქნათ. თითო მტკაველა ნადღელების ანაბარას რომ დაგვტოვებოდა — ხომ ამოვიხრჩენით შიგ!

— მაგაზენდაც მე ვიდარდო? რა ჩემი საქმეა ამოიხრჩობით, თუ იცოცხლებთ!.. თუ არა და ვისი ბრალია? თქვენ რომ წინადვე გეფიქრნათ, ცოტაოდენი მოგემტებინათ და ფასიც ნაღდათ ხელში ჩაგებარებინათ, სანამ ამისთხნა ხელსაყრელი მუშტარი გამოამიხნდებოდა, თქვენი ხელიდამ არ წავიდოდა ეგ თქვენი გასადღევაი.

IV

გასასვენებელი მიიქვია ერთიანი ფულების აღებას მამულების გაყიდვაში და, როცა მთელი თვისა მამულები დააბინავა სასურველად, — ჩემხედ უკეთესად მოუვლიანო, ამობდა ხოლმე იგი ხშირად — ნადღელებში აღებული ფულების რაოდენობა აღარ აკმაყოფილებდა მას. ამისთვის განიზრახა და კიდევაც შეეღდა საქმეს ერთგულად, რათა ნაყმევთ გამოესყიდათ ნადღელები სახელმწიფო ხაზინის საშუალებით. საქმის დაჩქარებისათვის იგი გადასახლდა ტფილისში და იწყო ცხოვრება ერთ ერთ სასტუმროში. მართლაც საქმე ძრიელ ჩქარა მოაგვარა და მალე მიიღო ხაზინგდამ ფულები ერთიანად და ბლომად. გაუსწორდა სასტუმროს პატრონს დანახარჯებში ხოლო, რადგანაც მთელი დანახარჯები ვერ დაჰფარა აღებულმა ფულებმა, იძულებული შეიქმნა განსვენებული სამოცი თუმნის ვეკსილიც მიეცა სასტუმროს პატრონისათვის.

სიმართლე უნდა ითქვას, რომ ბევრი მოულოდნელი ხარჯებიც კი დაატყდა თავს. „ყმაწვილო, ილაჯი წაიღეს ამ საქველმოქმედო მთხოვრებმა“: — ჩივდა ხოლმე ხშირად განსვენებული — „ეს სკოლას შესწირეო, ეს იმას, ეს ამას; ანგარიში არა აქვს, იმოდენა მთხოვნებლები მოდიან და თავს მამეზრებენ“.

მართლაც ბლომად გამოსცანცლეს განსვენებულს საქველმოქმედო საქმეებზედ. მი'ის ანგარიშით სულ გაცემული ჰქონდა ამ საქმეებზედ ცამეტი მანეთი და თოთხმეტი კაპეიკი. უფრო მეტის გაცემა მოუხდებოდა, რომ ერთი ქველმოქმედი „მთხოვარა“ არ ეფრინა მცხეთობას. განსვენებული ქეიფობდა ჩვეულებისამებრ მცხეთის ტაძრი გალავანში მცხეთობას, როცა მასთან მივიდა ერთი მორჩილი ყულაბით და სთხოვა ტაძრის განსახლებლად შეეწირა

რამე. ღვთის წყალობა მოგვცათ, იმან კუდით ქვა ასროლინა მორჩილს: „შენ ვინ მოგცა ნება და უფლება, რომ აქ, ეკლესიის გარეთ მოდიხარ და ხალხს აწუხებ და ჰლარსლავ! როცა საყდარში შემოვალ, მაშინ მომიტანე ყულაბა და თუ მსურს, მაშინ შევეწირავ, როცა მინდა. თუ არა და აქ მე ვქეიფობ და შენ კი ქეიფს მიშლიო“.

მელანია.

(დასასრული იქნება).

აქარელებისთვის შოგროვილი ფული:

დებუტატთა საკრებულოში თავად-აზნაურთა კერძო თათბირის დროს აქარელთა სასარგებლოდ შეკრებილი იქმნა რვა თუმანი, შემომწირველთა სია დაიბეჭდება მორიგ ნომერში.

ბატონო რედაქტორო!

ნება მიბოძეთ თქვენი ჟურნალის საშუალებით უღრმესი მადლობა გამოვუცხადო ჩემს ძვირფას სტუმრებს, რომელთაც კეთილ ინებეს და აქარელების სასარგებლოდ გამოიღეს თავთავიანთი წვლილი:

ამბროსი შანშიაშვილი	50 კაპ.
ვას. კაპანაძე	1 მან.
ილიკო ბაკურაძე	1 „
ვერა და ბარ. ამბროსიშვილები	1 „
სამ. დადიანი	2 „
გოორგი სალარიძე	2 „
დავ. დავითაშვილი	4 „
იოსებ გედევანიშვილი	5 „
მ. ადამაშვილი	5 „
ვას. მკერვალიშვილი	10 „
ნიკ. ნიორაძე	1 „
რაჟდ. ჯაფარიძე	1 „
კობახიძე	1 „
დ. კასრაძე	1 „
გ. გორდუხიანი	2 „

ს უ ლ 37 მ. 50 კ.

პატივისცემით დ. კასრაძე.

რედაქტორ-გამომცემელი რ. გაბაშვილი